

道德真經集註序

特四

道常無言不得已而有言言之費也從而言之費之費者也言固可廢乎曰不可也以藥治病非上醫也方病而奪之藥雖虛為莫為也蓋老子一書自列氏莊氏已陰立訓傳而自為一家者也至漢相曹參用其言有驗世益尊信之文帝時有河上公者乃始泄道之蘊名為註釋自是之後有鄰氏傅氏徐氏劉氏晉魏以來獨王氏最顯唐玄宗又改定章句刻石濁口廟中而世之言道德經益繁末興專守一道曰仁其治以慈儉不爭為本幾若委靡不振而實參用老子家法故當時君臣於此書頗盡心焉和雖不敏亦草思有年矣常患註釋之繁而矛盾迭興復憂流詁之廣而門戶各異求出世者多鄙薄於治世之常經思治世者復忽畧於出世之妙旨於是合本朝註釋之書畢力纂集專

御註於其首列諸子於其下凡分一十二卷其他如河上公王弼所著已載陳景元纂微茲不復詳吁亦多言矣乎然世方懵於其道

我又吝於其言則道益晦矣此經以自然為體無為為用治世出世之法皆在焉如我無為而民自化我無欲而民自朴此治世之法也如生之徒十有三死而不亡者壽此出世之法也若夫秦漢方術之士所謂丹竈奇技符籙小數盡舉而歸之道家此道之緒餘土首者耳學者當於此而有悟焉則擊關混沌剖破藩籬以之治世則反朴而還淳以之出世則超凡而入聖然後知孔老無異法天生二聖人迭為賓主以道詔天下後世其功至不淺也惟我同志相與勉之紹定己丑重九日鶴林真逸彭相謹序

道德真經說序

史記列傳曰老子者楚苦縣厲鄉曲仁里人也東漢法云地理志曰苦縣屬陳國司馬貞案陳曰地理志誤也苦縣本屬陳春秋時楚滅陳而苦又屬楚故云楚苦縣高帝立楚國陳縣苦縣皆屬苦音恬強守正教云括地志苦縣在亳州 姓李氏

名耳字伯陽謚曰聃禮記曾子問則次注說也與孔子同時疏云老聃即老子也宋陸曰說文云聃耳受也故名耳字聃正義曰聃耳受無輪也神仙傳云外字聃接字號也號老子耳受無輪故世號曰聃周守藏室之史也周本紀曰西王母西國亡失法云年祀曰伯陽父周大夫也唐國曰伯陽父周柱下史老子也後漢書黃帝

傳法以老子為守孔子適周將問禮於老子與孔子世家曰魯南宮敬叔言魯若曰請孔子俱適周問禮蓋見老子云又家語曰孔子謂南宮敬叔曰吾聞老聃博古知今通禮樂之原明道德之老子曰子所言者其人與骨皆已朽矣獨其言在耳且君子得其時則駕不得其時則蓬累而行吾聞之良賈深藏若虛君子盛德容貌若愚去子之驕氣與多欲態色與淫志是皆無益於子之身吾所以告子若是而已孔子去謂弟子曰鳥吾知其能飛魚吾知其能游

獸吾知其能走走者可以為網游者可以為綸飛者可以為矰至於龍吾不能知其乘風雲而上天吾今日見老子其猶龍邪

孔子世家曰辭去而老子送之曰吾聞富貴者處仁人之號送子以言曰聖明深察而近於死者好謀人者也博辯廣大亮其

身者發人之惡者也為人子者毋以有己為人臣者毋以有己孔子自周反于魯弟子請益進焉又家語曰及去周老子送之曰請送子以言孔子曰諾奉教自周反魯之道彌尊矣遠方身老子脩道德其學以自隱無名為務居周久之見周之衰逆遂去至關關令尹喜曰子將隱矣強為我著書

於是老子述著書上下篇言道德之意五千餘言而去莫知其所終注云列仙傳曰大夫也善內學隱德行仁時人莫知老子西遊善先見其氣知真人當過侯物色而遊之果得老子老子亦知其身為著書與老子俱之流沙之西莫知所終亦著書九篇名關今子宋隱曰列仙傳走刺向所記物色而遊謂視其氣物有異色如尋遊之

或曰老萊子亦楚人也著書十五篇言道家之用與孔子同時云仲尼弟子列傳曰周則老子於蓋老子百有六十餘歲或言二百餘歲以其脩道而養壽也自孔子死之後百二十九年注云徐廣曰而史記周

太史儋見秦獻公曰始秦與周合而離離五百歲而復合合七十歲而霸王者出焉周本紀曰烈王二年或曰儋即老子或曰非也世莫知其然否老子隱君子也老子之子名宗宗為魏將封於段干宗子注注

子官宮玄孫假假仕於漢文帝而假之子解為膠西王卬太傅因家于齊焉老子無為自化清靜自正索隱曰太史公因其行言亦是贊之又云此是晉人所評

太史公曰老子所貴道虛無因應變化於無為故著書辭稱微妙難識

太史公曰樂臣公學老子史記樂毅傳曰公善備黃帝老子之言顯聞於齊得樂師注云一其本師號曰河上丈人不知其所出皇甫姓高士傳云河上丈人者不知何國人也自隱姓名居河之濱著老子章句號曰河上丈人亦曰河上公又晉玄河上公注老子序曰河上公者莫知其姓名也漢文帝時結草為庵于河之濱常讀老子道德經文帝好老子之言有所不解數向漢使問之公曰道尊德貴非可遠問也帝即駕臨之河上公即授書老子道德經章句二卷謂帝曰熟讀此則所疑自解子注是經以來千七百餘年凡傳三人

河上丈人教安期

生安期主教毛翁公毛翁公教樂瑕公樂瑕公教樂臣公樂臣公教蓋公漢書曾參曰蓋公蓋公教於齊高密膠西為魯相國師曾參世家曰孝惠帝元年更以參為齊師參相參之相齊齊七十歲天下初定齊思王富於春秋參召長者諸生問所以安集百姓如齊故俗諸儒以百數言人人味參未知所定問膠西有蓋公善治黃老言使人得樂請之既見蓋公為官治道貴清靜而民自定非此類其言之參於是避正堂舍蓋公為其治爰用黃老術故相萬九年齊國安

宋太宗太平興國七年冬十月上謂近臣曰朕每讀老子至佳兵者不祥之器聖人不得已而用之未嘗不三復以為規戒見續通鑑長編

又淳化四年閏十月丙午上曰清靜致治黃老之深旨也夫萬務自有為以至於無為無為之道朕當力行之至如沒黯卧治淮陽安子賤彈琴治單父此皆行黃老之道也參知政事呂端等對曰國家若行黃老之道以致升平其效甚速宰臣呂蒙正曰老子稱治大國若烹小鮮夫魚撓之則潰民撓之則亂今之上封事議制置者甚

多願陛下漸行清靜之化以鎮之見續黃治通鑑

編長

又上讀老子語近臣曰伯陽五千言讀之甚有所益治身治國之道並在其內至云善者吾亦善之不善者吾亦善之此云善

惡無不包容治身治國其術如是若每事不能容納則何以治天下哉見國朝事實并皇宋類苑

真宗咸平二年上謂宰相曰道德二經治世之要道明皇注解雖粲然可觀王弼所注

言簡意深真得清靜之旨也因令鏤板見

史道

仁宗天聖四年正月王清昭應宮使王曾請

下三館校道藏庫經從之上因言其書多載飛鍊金石方藥之事豈若老氏五千言之約哉張知白曰陛下留意於此迺治國

清靜之道也

高宗紹興二十八年十月庚寅上諭宰執曰

賀允中問朕好道之意朕謂之曰朕之好道非世俗之所謂道也世俗修鍊以求飛昇不死若果能飛昇則秦始皇漢武帝當

得之矣朕惟治道貴清靜苟修心一生雖

欲自抑有不能已者故所好惟在恬淡寡

慾清心省事所謂為道日損損之又損以

至於無為斯與一世之民同躋仁壽如斯

而已見皇宋中興

孝宗淳熙戊戌程大昌以講官侍清燕嘗從

容泰及道本恭得聖訓孔老元無二道韓

愈析之非是嘗親製道辨首以賜大昌

見皇大昌易



政和御注

宋解經姓氏

碧虛子陳景元

字太初建昌人出家為道士入天台山師事張無夢妙得老莊之旨博學多聞著書數千卷當世名公多從之游自號碧虛子熙寧中屢擢為賜號真靖大師

涑水司馬光

字君實陝州夏縣人溫國文正公

顏濱蘇轍

字子由眉山人自號穎濱遺老益文定公

臨川王安石

字介甫臨川人荆國文公

王雱

字元澤荆人

陸佃

字農師山陰人門人號曰陶山先生

劉摯

字仲平開封人

劉涇

字巨澤簡州陽安人自號蔚漢白州公下至此總名崇寧五法道真仁靜先生曹道冲字希燕女道士賜號清虛大逸大師道真仁靜先生

達真子

馬師山人不著姓氏

三峨了一子李文恕

蜀人

陳象古

字少章姑蘇人

葉夢得

字少章姑蘇人

清源子劉驥

字德輔

晦菴朱熹

字元晦建安人自號晦菴

黃茂材字少譽福州連江人自號海濱居士
程大昌字泰之新安人
林東字子晦福州閩縣人自號三山燕子
本來子邵若愚錢塘人

道德真經集註卷之一

宋鶴林真逸彭軺纂集

道可道章第一

道可道非常道名可名非常名

御注曰無始曰道不可言言而非也又曰

道不當名可道可名如事物焉如四時焉當可而應代廢代興非真常也常道常名自本自根未有天地自古以固存

碧虛子陳景元曰夫道者杳然難言非神口所能辯故心因焉不能知口辟焉不能議在人靈府之自悟爾謂之無為自然也。涑水司馬光曰世俗之談道者皆曰道體微妙不可名言老子以為不然曰道亦可言道耳然非常人之所謂道也名亦可強名耳然非常人之所謂名也

頽瀆蘇轍曰莫非道也而可道者不可常惟不可道而後可常耳今夫仁義禮智此道之可道者也然而仁不可以為義而禮不可以為智可道之不可常如此惟不可道然後在仁為仁在義為義在禮為禮在

智為智彼皆不常而道常不變不可道之能常如此道不可道而況可得而名之手凡名皆其可道者也名既立則圓方曲直之不同不可常矣

臨川王安石曰常者莊子謂無古無今無終無始也道本不可道若其可道則是其迹也有其迹則非吾之常道也道本無名有可名則非吾之常名蓋名生於義故有名也

葉夢得曰道無物不可得而名聖人無意於言即已苟欲言非名之則無以顯其道故存其不可道不可名者以為之常而設為可道之道可名之名以寄其非常此老氏之書所以作也

清源子劉驥曰道言其體名言其用可道可名猶百家衆技也各有所長時有所用不該不徧非真常也

黃茂材曰常之為言長也久也道與天地相終始其為長久豈人所能言哉若使可得而道可得而名則是世人之見何足以